



■姜皓文夫婦全力支持炎明熹任何決定。

姜皓文豪言票房好



■《哈》片舉行首映禮，場面熱鬧。

由姜皓文（黑哥）與太太殷寧炮製的賀歲片《哈哈新年喜戲》前晚在觀塘apm舉行首映禮，兩人率領戲中演員李璨琛、陳靜、林盛斌等出席，多位圈中好友袁偉豪、吳家樂、曹敏寶等亦到場支持，曾於無綫劇《青春本我》飾演姜皓文女兒的炎明熹更表示首次睇賀歲片，為「黑爸」獻出第一次。

炎明熹睇賀歲片「第一次」獻黑爸

人緣甚廣的姜皓文夫婦前晚出席聯合監製兼主演的賀歲片《哈哈新年喜戲》首映禮，原本嘉賓名單有炎明熹（Gigi），但她未有現身首映禮，反而直接進入戲院，不過她有停步跟黑哥夫婦及現場觀眾合照。Gigi祝大家新年快樂、身體健康，以及「黑爸」的新片票房大賣，並說：「我係第一次睇賀歲片，所以希望大家入場好好咁享受。」

問黑哥對票房可有期望？他笑言：「冇期待都冇擔心，觀眾各有口味，今年好多賀歲片上映，反而覺得多選擇係好事，能夠百花齊放。」殷寧則笑言對不起老公，因預算有限，未能提供化妝師及汽車接送。黑哥笑言：「片酬都未收到，但有所謂，呢件事我係想做嘅，能夠首次接觸監製崗位。」問到是否收兩份人工？他笑言很想，但實情只收了一封利是：「不過我覺得最緊要作品效果好。」他坦言若票房理想，首先會分

花紅給工作人員，問到可會着泳褲派福利？他笑言：「你哋夠膽睇，我就夠膽着。」

陳靜唔介意相睇

談到Gigi入場睇戲，黑哥坦言一早約了對方：「Gigi好有心，仲話有需要幫手出聲。原本陳煒都話嚟，但最後冇工作嚟唔到。」問到可有關心Gigi的前途？他坦言：「關心唔到太多，有同佢傾偈，但我畀嘅意見未必適合，所以冇畀意見，不過佢做乜我都支持。」

單身的陳靜（DaDa）被問可想結婚？林盛斌即搶說會介紹筍盤男士給對方，還問DaDa有何擇偶條件，DaDa表示自己屬蛇，雖然今年犯太歲，但會有正桃花：「至緊要有男子氣概、善良同單身，佢做咩工作、高度都冇所謂，好期待佢嘅出現。」問到可會介意相睇？她笑言想嘗試：「因為結咗婚就有得試。」

■李璨琛（左）與林盛斌都希望陳靜盡快找到好歸宿。



■左起：周嘉洛與陳滢食生蠔出事，朱敏瀚腸胃好頂得住。



周嘉洛遊日食物中毒 搭飛機谷住返港

周嘉洛、陳滢、朱敏瀚、麥美恩與車婉婉等昨日到觀塘宣傳新劇《痞子無間道》，缺席的王灝兒（JW）被安排以紙板人代為亮相。提到早前陳滢、周嘉洛及朱敏瀚相約到日本旅行時食物中毒，陳滢說：「我哋之前去咗日本4日3夜，八成玩、兩成做嘢，行程主要係我安排，唯獨有一樣嘢脫離我嘅行程，就係朱敏瀚話要食生蠔，點知就出事，食完之後食物中毒，好劫、冇力，發燒又嘔，但佢就冇事，只係叫我保重。其實出發前都有提醒大家要帶口罩同藥物，但點知係食生蠔出事。」

周嘉洛亦說：「我都有事，臨上機前唔舒服，成程機好辛苦，谷住谷住，扁唔番出嚟！有少少發燒同想嘔，但又嘔唔出。返嚟香港之後都谷住，過咗兩日就暢通番。（敢唔敢再食生蠔？）當然敢，都會再食，等個胃適應吓。」

洪嘉豪拒搵 Ivy So 拜年

歌手洪嘉豪（Kaho）與電台DJ黃正宜（阿正）前晚到金鐘出席手機活動，Kaho透露剛放了十多日年假，由於自己愛靜又想創作新歌，加上宅男性格及爸爸離港旅行，故連日來都留家工作，未有出外拜年。問到可有去緋聞女友 Ivy So 家中拜年？他說：「冇，冇去過朋友屋企拜年，我想去踢波，但約唔到波友。」問到不去拜年是否怕被親友追問戀情及婚事？他豪氣表示：「從來都唔怕，連媽媽同外婆都唔會追問。」



■阿正表情趣怪，搶去洪嘉豪風頭。

伍允龍娘娘腔 激死古天樂

一向以硬漢形象見稱的伍允龍於賀歲片《臨時決鬥》的造型夠晒驚喜，被古天樂形容似 Michael Jackson。塗上指甲油的伍允龍似瘋乍癲，但動作靈活鬼馬，與古天樂決鬥時攬抱互動，氣得古天樂出手轟開伍允龍！兩人拍攝前認真排練動作，伍允龍多次被撻落地，毫不錫身。伍允龍笑言見到自己娘娘腔竊實古仔，很想伸自己一腳：「我咁大個仔第一次搽指甲油，我仲以為可以用番規洗得甩，原來要用洗甲水擦甩。造型幾靚，下次試吓搽綠色應該幾好睇。」



■伍允龍（右）竊到實，古天樂動嫌棄。